

續名醫類案

十四



續名醫類案卷三十四

錢塘魏之琇編集

時毒

此證感四時邪毒之氣其後發于鼻面耳項咽喉赤腫無頭或結核有根寒熱頭痛狀如傷寒此乃時行濕毒之氣發於頭面所謂大頭瘟也以其能作膿出毒故入外科

少宰李蒲汀患時毒用發散之藥耗損元氣患處不消體倦惡寒食少口乾用益氣湯加桔梗及託裏消毒散而愈。

秋官陳同野患時毒元氣素弱脈微細而伏此形病俱虛也用參朮芎歸陳皮柴胡升麻炙草以升舉陽氣用牛蒡元參連翹桔梗以解熱毒二劑腫頓消而脈亦復矣苟以脈微細爲屬陰以腫赤爲屬陽而藥之鮮有不誤者

一婦人時毒潰後腫赤不消食少體倦膿清色白乃脾肺氣虛也先用六君加桔梗芎歸後用益氣湯加桔梗而斂

春官袁谷虛之妹患時毒表散過度腫硬不痛脈浮大按之而短此真氣絕也辭不治後果歿

一男子患此證腫痛發熱作渴脈實便秘以五利大黃湯下之諸證悉退以葛根牛蒡子湯四劑而痊

一男子患此證表裏俱解腫痛尙不退以葛根升麻湯二劑而腫消

一男子患此證腫痛發寒熱脈浮數以荆防敗毒散二劑少愈以人參敗毒散二劑勢減半又二劑而痊

海昌王士雄孟英同校
定州楊照葵素園



一男子患此證。耳面赤腫作痛。咽乾發熱。脈浮數。先以荆防敗毒散二劑。勢退大半。以葛根牛蒡子湯四劑而痊。

一婦人患此證。表邪已解。腫尙不消。診之脈滑而數。乃瘀血欲作膿也。以託裏消毒散潰之而愈。

一男子患此證。焮腫脹痛作渴。煩熱便秘。脈數。按之尤實。用防風通聖散一劑。諸證頓退。以荆防敗毒散加元參牛蒡黃芩二劑而痊。

一老人冬月頭面耳項俱腫痛甚。便秘脈實。此表裏俱實病也。飲防風通聖散不應。遂砭患處出黑血。仍投前藥。卽應。又以荆防敗毒散而瘳。蓋前藥不應者。毒血凝聚上部經絡。藥力難達故也。惡血既去。其藥自效。或拘用寒遠寒。及年高畏用硝黃。而用託裏。與夫尋常之劑。或不砭泄。其毒專假藥力。鮮不危矣。徐靈胎曰。通聖散乃治表裏俱熱之方。所謂兩解法也。須審定內外俱熱之證。乃可消息施用。又曰。荆防敗毒散爲時毒主方。惟人參不宜輕用。

一男子患此證。表裏俱解。惟腫不消。以託裏消毒散四劑。膿成針之而愈。

一婦人患此證。腫痛。用硝黃之劑。攻之稍緩。翌日復痛。診之外邪已退。此瘀血復作膿也。用託裏消毒散潰之而愈。

一男子頭面腫痛。服硝黃敗毒之劑。愈甚。診之脈浮數。邪在表尙未解。用荆防敗毒散二劑。勢退大半。更以葛根牛蒡子湯四劑而痊。內經曰。身半以上腫。天之氣也。身半以下腫。地之氣也。乃邪客心肺之間。



上攻頭目而爲腫。此感四時不正之氣爲患。與夫膏粱積熱之證不同。硝黃之劑非大便秘實不可用。若不審其因。不辨其虛實。表裏概用攻之。必致有誤。常見飢饉之際。芻蕘之人多患之。乃是胃氣有損。邪氣從之爲患。不可不察。常治邪在表者。用葛根牛蒡子湯。人參敗毒散。或普濟消毒飲子。邪在裏者。五利大黃湯。梔子仁湯。表裏俱不解者。防風通聖散。表裏俱解而腫不退者。犀角升麻湯。如腫甚者。磁患處出惡血。以泄其毒。或用通氣散取嚏。以泄其毒。十日外自愈。若嚏出膿血卽愈。欲其作膿者。用託裏消毒散。欲其收斂者。用託裏散。此法最爲穩當。五七日咽喉腫閉。言語不出。頭面不腫。食不知味者。不治。此乃時行濕毒之氣發於頭面。所謂大頭瘟也。以其能作膿出毒。故入外科。

一男子患此證。服表散藥愈熾。發熱便秘。診其脈沈實。此邪在裏也。以大黃湯下之。裏證悉退。以葛根牛蒡子湯。浮腫亦消。惟赤腫尙存。更以託裏藥潰之而愈。齊氏云。時毒者。爲四時邪毒之氣。而感之於人也。其後發于鼻面耳項咽喉。赤腫無頭。或結核有根。令人增寒。發熱頭痛。或肢體痛甚者。恍恍不甯。咽喉閉塞。昧者將謂傷寒。便服解藥。一二日腫氣增益。方悟始求瘍醫。原夫此證。古無方論。世俗通爲丹瘤。病家惡言時毒。切恐傳染。考之于經。曰。人身忽經變赤。狀如塗丹。謂之丹毒。此風熱惡毒所爲。與時毒特不同耳。蓋時毒初起。狀如傷寒。五七日間。乃能殺人。治者宜精辨之。先診其脈。滑數浮洪。沈緊弦濇。皆其候。蓋浮數者。邪氣在表也。沈濇者。邪氣深也。氣實之人。急服化毒丹以攻之。熱實不利。大黃湯

下之。其有表證者。解毒升麻湯以發之。或年高氣軟者。五香連翹湯主之。又於鼻內噓通氣散。取十餘噓。左右看病之人。每日用噓藥噓之。則不傳染。其病人每日亦用噓藥三五次。以泄熱毒。此治時毒之良法也。經三四日不解者。不可大下。猶宜和解之。服犀角連翹散之類。至七八日。大小便不通利。頭面腫起高赤者。可服託裏散。黃耆散。宜鎌砭割出血。泄其毒氣。十日外不治自愈也。此病若五日以前。精神昏亂。咽喉閉塞。語聲不出。頭不腫。食不知味者。必死。治之無功矣。然而此疾有陰有陽。有可汗。有可下。常見粗工。但云熱毒。就用寒涼。殊不知病有微甚。治有逆從。不可不審也。

徐考功年逾三十。耳面焮腫。寒熱拘急。脈浮洪。此時毒證也。邪在表。以荆防敗毒散。加牛蒡元參。治之漸愈。更以升麻葛根連翹桔梗川芎銀花牛蒡而平復。

疔

羅謙甫云。丙午歲。予居藁城。人多患疔瘡。縣尹董公謂予曰。今歲患疔瘡者極多。貧民無力醫治。近於史侯處得數方。用之者無不效。官給藥錢。君當捨手治之。遂諾其語。董公榜示通衢。命予施藥。如此一年。全活甚衆。其用保生錠子。千金託裏散。神聖膏藥。破棺丹。凡四方。保生錠。金脚信二錢。雄黃三錢。輕粉二錢。礪砂三錢。麝香一錢半。巴豆四十九粒。蟾酥一錢。爲細末。用黃蠟五錢溶開。將藥和成錠子。冷水浸少時。取出捏作餅子。如錢眼大。將瘡頭撥開。每用一餅。次用神聖膏。後用託裏散。若瘡氣入腹危者。

服破棺丹。

世傳疔瘡必有一條紅線可針。紅線所至之處出毒血乃敷藥。

神聖膏藥。當歸藁本各半兩。乳香沒藥各二錢。白芨琥珀各

二錢半。黃丹二兩。白膠黃三兩。黃蠟二兩。粉霜一錢。木鱉子五十個去皮。巴豆十五粒去油。清油槐柳

枝各百二十枝。膽礬一錢。先將槐柳枝下在油內熬焦取出。復下餘藥。熬勿至焦濾出。待油澄清。下黃

丹再熬成膏。用緋帛攤之。

立有神效。託裏散。

一兩。五錢。耆朴芎防。

各二兩。

桔芷翹

二兩。

芍桂草參

各一兩。

歸芷香乳香

沒藥

各半兩。

細末。每服三錢。酒一大盞。煎二三沸。和渣溫服。破棺丹。大黃二兩。半生半熟。甘草硝各一

兩。細末蜜丸彈子大。每服半丸。食後溫酒化下。或童便半盞研化之。忌冷水。

薛立齋治上林陳靜涵面患疔。脈洪數有力。屬邪氣蘊結。用清熱消毒散。二劑未應。或用黃耆肉桂等藥。

二劑反益其勢。致耳目唇口俱腫閉。頭面如斗。由邪氣外竇也。前脈按之無力。由元氣內虛也。連進託

裏消毒之藥。及數砭患處。出黑血碗許。已而膿與腐肉併潰而出。復用託裏之藥。瘡勢漸愈。七日後復

因調護失宜。以致煩渴不食。兩尺脈如絲欲絕。急用八味丸料煎服。其脈頓復。手足自溫。使非砭以泄

其外。託裏散以補其內。八味丸以回其陽。則治之失宜。必致不救。慎之慎之。

長洲庠蘇子忠。鼻梁患疔。證屬表邪。但氣血俱虛。不勝發散。遂以補中益氣為主。佐以防風白芷而愈。

張所望治理安寺一僧。患水疔走黃。絕水穀者已三日。眾莫能治。延所望入視。曰。毒已入內。奈何。須下一

針方可。因向瘡頂刺入寸餘。始聞痛聲。曰。生矣。隨以膏塗之。復投丹藥數粒。拔其疔根寸許。堅黑如鐵。

遂愈。

錢塘縣志

立齋治一男子。足患疔作癢。惡心嘔吐。時發昏亂。脈浮數。明灸二十餘壯始痛。以奪命丹一服。腫起。更以荆防敗毒散而愈。

一男子患疔。發熱煩躁。脈實。以清涼飲下之而愈。

一男子胸患疔。遍身麻木。脈數而實。急針出惡血。更明灸數壯始痛。服防風通聖散。得利而愈。

一男子左手背患疔。是日一臂麻木。次日半體皆然。神思昏潰。遂明灸至二十餘壯。尙不知痛。又三十餘壯。始不麻。至百壯始痛。以奪命丹一服。腫始起。更用神異膏。及荆防散。敗毒散而愈。

一老婦足大指患疔甚痛。令灸之。彼不從。專服敗毒藥。致真氣虛。而邪氣愈實。竟至不救。蓋敗毒散雖能表散瘡毒。然而感有表裏所發。有輕重體段。有上下所稟。有虛實。豈可一概而用之耶。且至陰之下。藥力之所難到。專假藥力。則緩不及事。不若灸之爲良。故下部患瘡。皆宜隔蒜灸之。痛則灸至不痛。不痛則灸至痛。若灸之而不痛者。宜明灸之。及針疔四畔去惡血。以奪命丹一粒。入瘡頭孔內。仍以膏藥貼之。若針之不痛。或無血者。以針燒赤。頻烙患處。以痛爲度。或不痛。眼黑如見火光者。此毒氣入臟腑也。不治。若患在手足。紅絲攻心腹者。就于絲盡處。刺去惡血。宜服荆防敗毒散。若絲近心腹者。宜挑破瘡頭去惡水。亦以膏藥貼之。如麻木者。服奪命丹。如牙關緊急。或喉內患者。並宜噙一二丸。凡人暴死。多

是疔毒用燈照看遍身若有小瘡卽是宜急灸之俟醒更服敗毒藥或奪命丹人汗入肉食之則生疔瘡不可不慎。

劉禹錫纂柳州救三死方云元和十一年得疔瘡凡十四日益篤善藥傳之皆莫知長樂賈方伯教用蜣螂肉一夕而百苦皆已明年正月食羊肉又大作再用亦如神效其法一味貼瘡半日許可再易血盡根出遂愈蜣螂心腹下度取之其肉稍白是也所以云食羊肉又大作者蓋蜣螂食羊肉故耳用時便禁食羊肉其法蓋出葛洪肘後方也

本草

韓光治疔腫人也正觀初衛州徐使君訪得此方用艾蒿一擔燒作灰入竹筒中淋取汁一二合和石灰如麵漿以針刺瘡中至痛卽點之點三遍其根自拔亦大神驗正觀中用治三十餘人得差故錄之

千金

方 綉坡公曰疔瘡全看部位如部位不佳者甚爲難治觀其毒將走之證用針破其四圍插入拔疔之藥其浮腫處用針刺之出其惡血此法甚妙

繆仲淳治顧博士伯欽內人左耳患疔時方孕令先以白藥子末雞子清調塗腹上護胎次以夏枯草甘菊貝母忍冬地丁之屬大劑飲之一服痛止疔立拔胎亦無恙白藥子療馬病者

廣筆記

馬銘鞠治顧聖符幼弟患髭疔醫者先用火針圍腫腫脹至目與鼻俱隱入肉牙關緊急用患者耳垢齒垢刮手指甲屑和勻如豆大放茶匙內燈火上炙少許取作丸令洗淨圍藥將銀簪挑開疔頭抹入外用棉紙一層津濕覆之痛立止半日腫半消目可開次日服仙方活命飲二劑愈此法兼可治紅絲疔

長洲華承溪指節間患之。得此而痊。又云。可治面白疔。未試也。此方傳自道人。廣筆記

廣筆記云。用陳年露天鐵繡。碾如飛麵。將金簪腳挑破毒處。一孔納鐵繡末于內。仍將皮蓋好。少頃黑水流盡。中有白絲如細綫。慢慢抽盡。此疔根也。盡即立愈。又方用甘菊花并根葉搗汁。以酒下之。立消。

俱神效。屢試屢驗。

立齋治劉貴卿脚面生疔。形雖如粟。其毒甚大。宜峻利之藥攻之。因其怯弱。以隔蒜灸五十餘壯。瘡遂止。再灸片時。乃知痛。更用膏藥封貼。再以人參敗毒散。一服漸愈。夫至陰之下。道遠位僻。且怯弱之人。用峻利之藥。則藥力未到。胃氣先傷。虛脫之禍。有所不免。不如灸之為宜。

松江諸大尹唇生一疔。已五日。腫硬脈數。煩躁喜冷。此胃經積熱所致。先以涼膈散一服。熱去五六。更與奪命丹二粒。腫退二三。再與荆防敗毒散。四劑而愈。

楊錦衣唇下生疔。脈證俱實。而不下。反用託裏散。致口鼻流膿而死。是謂實實之禍。

馬氏室忽惡寒作嘔。肩臂麻木。手心騷癢。遂發悶。不自知其故。

與卒然暴厥者不同。

但手有一泡。此乃患疔毒也。令

急灸患處。至五十餘壯。知痛。投以荆防敗毒散而愈。古人謂暴死。多是疔毒。急用燈照遍身。若有小瘡。即是此毒。宜急灸其瘡。但是胸腹溫者可灸。先君云。有人因剝死牛督悶。令看遍身。俱有紫泡。便急灸泡處。良久遂甦。更以敗毒藥而愈。

張都憲夫人面生疔。腫焮痛甚。數日不潰。脈證俱實。以荆防敗毒散加芩連治之。稍愈。彼以爲緩。乃服託裏一劑。其勢愈甚。痛極始悟。再用涼膈散二劑。痛減腫潰。又與連翹消毒散。十餘劑而愈。

鄭氏舉家生疔。在四肢。皆由食死牛肉所致。刺去黑血。更以紫金丹服之。悉愈。

王檢討汝和感痘毒。面生疔十餘枚。腫疾脈數。以荆防敗毒散治之。雖小愈。尙可畏。更以奪命丹二服而痊。

陸宣子山東名醫也。言京師李公子某。指甲中生肉管赤色。頃刻長三尺餘。垂至地。能動。動則血眩欲死。諸醫束手。公子乃取酒痛飲。引刀自斷之。出血數斗。良久復生如初。自分死矣。有乞兒自言能治。召之。肩負蛇至。顧罵諸醫者曰。公子蛇頭疔也。其管通四肢百骸。絕則又出。若輩何能爲。蓋乞兒初饒于財。嘗患此破家求醫。不可得。遇一丐。命其妻納大蛇袴中。穴袴出蛇首。握之。與肉管相向。蛇以氣吸之。不移時而消。蛇則紅絲百道僵死矣。乃如其法治之。公子亦愈。竟分其產之半與乞兒云。蔣湘帆

治疔瘡方。松香二十兩。白蠟二兩。乳香三兩。去油研細。黃蠟十兩。銅綠五兩。研細。麻油六兩。沒藥三兩。去油研細。百草霜五兩。須山莊人家淨燒草者佳。先將麻油煎滾。次下松香三下。白蠟四下。黃蠟五下。乳香六下。沒藥七下。銅綠八下。百草霜滾過數次。或傾磚地。或卽在鍋內冷透。搓成條子。用時以圓眼核大丸。呵軟捏扁。貼患處。是疔卽粘。否則不粘。如粘片時。卽可止痛。次日消腫。少出黃水。卽愈。忌葷腥生

冷辛竦。每丸約重四分。又方白菊花四兩。甘草四錢。水煎服。不過二劑卽消。一切消疔之藥。皆不及此。蓋菊花全身皆治疔之聖藥也。

疣附
瘰

周漢卿治山陰楊翁。項有疣如瓜大。醉仆階下。潰血不能止。疣潰者必死。漢卿以藥糝其穴。血卽止。史明薛立齋治長洲庠王天爵。辛丑春左腿近環跳穴。患瘤狀如大桃。按之濡軟。恪服除濕流氣化痰之劑。惡寒發熱。食少體倦。形氣俱虛。脈洪大而虛。氣瘤也。肺主之。蓋肝屬木。肺屬金。然發于膽經部分。乃肺金侮肝木。元氣虧損。而其膿已內潰矣。遂用十全大補湯數劑。出清白稀膿甚多。頓加寒熱煩渴頭痛。殊類傷寒狀。此因膿泄而血氣益虛。仍用前藥。其勢益甚。脈洪數大。按之如無。乃加附子一錢。其勢愈甚。而脈復如前。此虛甚而藥不能及也。更加附子二錢。三劑諸證頓退。乃朝用補中益氣湯。夕用十全大補湯。各三十餘劑。出腐骨五塊。瘡口將完。後因不慎起居。患處復潰。諸證更發。咽間如焚。口舌無皮。用十全大補。加附子一錢服之。諸證卽愈。二日不服。內病悉至。患處復潰。二年後又患。服前藥不應。診其尺脈微細如絲。此屬命門火衰。用八味丸爲主。佐以十全大補湯稍愈。至乙巳。仍患虛寒之證而歿。一男子左腿外側近臀腫一塊。上有赤縷。三年矣。飲食起居如常。觸破涌出血膿。發熱惡寒。此膽經受證。故發于腿外側。診其脈左尺洪數。左關弦洪。此腎水不能生肝木。用補中益氣湯。六味地黃丸而痊。

一老嫗右腋下生一瘤。漸長至尺許。其狀如長瓠。子久而潰爛。一方士以長柄鮮葫蘆燒存性研末。搽之。水出消盡而愈。

繫瘤法。芫花淨洗帶濕。不得犯鐵器。於木石器中搗取汁。用線一條浸半日。或一宿。以綫繫瘤。經宿卽落。如未落再換線。不過兩次自落。後以龍骨并訶子末。傅瘡口卽合。依上法繫爛痔。累用得效。繫瘤法。蘇沈良方。有用蜘蛛絲者。然費力。不如此徑捷。如無根。只用花泡濃水浸綫。亦得。趙氏家姊嘗用繫腰間一瘤。不半日卽落。亦不痛。百乙 琇按芫花用之繫瘤卽落。雄猛可知。蟲門中。孫文垣嘗用三分。以治

某氏婦。立下其癰。苟非實積。未可輕試。

孫真人治癰。一二年者。以萬州黃藥子半斤。須緊實者。若虛而輕。卽他處產者。用一斤。取無灰酒一斗。浸固臍器口。以糠火燒一伏時。停待酒冷。卻開令患者日飲之。不令酒氣絕。經三五日後。以綫圍頸覺消。卽停飲。否則令項細也。用火時不可多。惟燒酒氣出瓶頭。有津卽止火。不待經宿也。已驗如神。忌毒食。黃履素曰。予年三十時。臂生一小瘤。根細如線。而頭如豆大。越十年漸大如荔。有妨跨馬。予有鑒于決瘤之說。不敢醫。常歎曰。吾年若六七十。此瘤當如碗大。必妨行坐矣。奈何。旣而歎曰。七十卽碍行坐。亦何妨。遂安意養之。及四十七歲時。偶擦傷瘤皮。水滲出不止。懼其成漏。乃延潘惠峯問之。云。欲去此瘤。甚易。欲塞此漏。甚難。瘤去則漏自塞矣。不得已聽其治。潘以藥塗瘤。甚痛。其肉盡黑。少頃血出津津。予甚

懼且悔不復求治。但求止血之藥。越宿則黑肉已堅如石片。數日脫去。其根尚存如豆。水出仍不止。復商之。潘潘曰。不去其根。漏仍不可塞也。又以前藥點之痛甚。肉黑如初。次日復點。凡三次。內復託裏散。每劑用黃耆五錢。凡旬日。堅肉脫去。則根已平。仍服託藥散。外用長肌收口藥。絕慾色勞。以漸收滿。肌肉完好。予之服藥。勤守戒慎者。而潘君亦可謂妙手矣。

張子和在西華。衆人皆訕以爲吐瀉。一日魏壽之與張入食肆中。見一夫病一瘤。正當目之上。綱肉皆色如灰李。下垂覆目之睛。不能視物。乃謂壽之曰。吾不待食熟。立取此瘤。魏未之信也。語其人。其人曰。人皆不敢割。曰。吾非用刀割。別有一術焉。其人從之。乃引入一小室中。令俛臥一牀。以繩束其脰。刺乳中大出血。先令以手揉其目瘤上。亦刺出雀糞立平。壽之大驚。張曰。人之有技。可盡窺乎。

一女子未嫁。年十八。兩手背皆有瘤。一類雞距。一類角丸。腕不能馴。向明望之。如桃膠然。夫家欲棄之。張見之曰。在手背爲膠瘤。在面者爲粉瘤。此膠瘤也。以銚針十字刺破。按出黃膠。三兩匙立平。更不再作。非素明者。不敢用此法。

一婦人年四十餘。有癰三瓣。張令以鹹吐之三涌。三汗三下。癰已半消。次服化癰之藥。遂大消去。夫病在上皆宜吐。亦自有消息之法耳。

張景岳三旬外。忽臀下肛門前骨際。皮裏生一小粒。初如菉豆許。不以爲意。及半年大如黃豆。又一年如

棗核復如粟矣。乘馬坐榻皆有所碍。且漸痛。料此非數藥可散。又非煎藥可及。若漸長大如升如斗。懸挂腰股間。行動不便。將奈何。謀之識者。皆云不可割刺。恐爲害。初亦不敢。然熟思此時乘小不取。則日久愈大。愈難矣。遂決意去之。乃飲酒乘醉。以柳葉針刺之。所出如豆腐白皮之類。蓋粉瘤也。刺後頗消。兩日後。則腫如熱癰。以會通膏貼三日。膿潰而愈。不兩日又腫起。更熱更大。始悔其刺之誤。再以會通膏貼之。又三日而大潰。潰出一囊。如魚脬者。然後收口全愈。使治之再遲。則難瘳矣。黎按徐靈胎云。凡形體有形之證。最宜外治。此語極爲有見。余鄉一人。項生瘤。大如拳。已十餘年。一日忽消去。問之。則曰。近得一膏藥貼之。故遂愈。急索其方。視之。不過半夏貝母花粉陳皮芥子當歸川芎紅花降香桂枝山甲羌活防風麻黃大黃等藥。大意消痰活血通經絡。並無奇特。然用之。輒應手取效。後用之以貼流注。亦卽消散。可見藥不在奇。對證卽能取效。景岳以瘤爲非數藥可散。亦未明此理耳。

一人眼皮下弦生一小瘤。初如米粒。漸大如豆。外科用攢針三四枚。翻轉眼皮。刺其內膜。少少出血。如此二三次。其瘤日縮。竟得盡消。

一人臂上生一瘤。漸大如龍眼。其人用小艾於瘤上灸七壯。竟爾漸消。亦善法也。或用隔蒜灸之。亦無不可。

一人腹上生一瘤。大如胡桃。治者以蛛絲撚成粗線。扎其根。數日其絲漸緊。瘤根漸細。屢易屢細。不十日。竟脫落。誠奇法也。可見他綫日鬆。唯蛛絲日緊。物理之妙。有當知者如此。然纏之亦宜早。若形勢既大。

恐不宜也。

方出焦氏筆乘舊案已載其略

沈樞文幼嚙指甲。及長不能自禁。此肝火血燥也。又頸側常生小疣子。屢散屢發。又臂生一塊。如菉豆大。若觸碎則如斷束縷。扯之則長。縱之則縮。後兩鬢發白點。求治。曰。子素肝病。此部亦屬肝膽經也。夫爪爲筋之餘。但行人身之側。正與嚙爪生疣等證相應。須滋補腎水。以生肝膽。則諸證自愈。與六味地黃丸服之。一年白點自退。瘡亦不生。

一男子小腹中一塊。不時攻痛。或用行氣化痰等藥不應。猶以爲血瘀。服行氣逐血之劑。後手背結一疣子。漸長寸許。形如蟹狀。肢體間如豆大者甚多。彼疑蟹生子。今發于外。亦用行血。虛證悉至。左尺洪數。關脈洪數而弦。謂腎水不能生肝木。以致肝火血燥而筋攣。用六味丸。滋水生肝。三月而愈。

陶氏佃民有病瘰者。嘗與陶僕輸穀如市。道遠勞極。瘰癧其頸。氣幾不接。陶僕素愚。匆遽間削竹爲銳錐。刺之。瘰穿氣溢。頸復完。復荷擔而起。一無所苦。說頤 雄按可謂其愚不可及也

予兄奇峯生兩瘤。大如拳。僧傳一方。用竹刺將瘤頂上。稍稍撥開油皮。勿令見血。細研銅綠少許。放于撥開處。以膏藥貼之。數日即潰。出粉而愈。續金陵瑣事

錢國賓治山西神池百長張姪女。年十七。自八歲左手背生瘤。日大。已如鐘許。看係粉瘤。可治。與一方用巴豆草麻子肉各四兩。大杏仁一兩。香油一斤二兩。血丹八兩。熬膏藥貼之。一日一換。其皮漸厚。旬日皮紅。半月皮破。出膿。碗許。瘰消口平。

辛酉夏廣陵各鹽場。大行時疫。人多濕熱病。若傷寒。頭疼發熱。不惡寒。身體痛。舌紅昏睡不食。思涼飲。肌黃。大便結。小便紅。醫用發散清涼劑罔效。錢亦臨證。治復不投病勢。數日如故。前後胸背漸長數十瘤。如核桃大。其皮甚薄。以針挑破。每瘤出虱數千。遍抓四處。人人寒禁。莫敢近視。瘤破虱出。調服。後人倣此俱愈。

氣頸之證。乃人項下墜如長瘤也。山東多有此證。雖風水所致。亦臥熱炕。過食辛辣而然。他方間有此根。由足厥陰肝經之脈。循喉嚨之後。上入頰。頰屬肝。統于足陽明胃經。此蓋起于肝胃二經。瘤長挂下。雖非致命。大不美觀。古今並無治法。錢訪海上仙方。遇異人傳授。用青皮六錢。疏肝。桔梗六錢。引導。木饅頭一名鬼饅頭。煨存性一兩。消癭散肝胃二經結氣。共末酒下一錢。凡氣頸小者。三四月消。大者七八月。或一年消。其功雖緩。其方百發百中。卽錢已治蘭溪王元直。兗州趙瑚璉二人矣。不惜良方。普利後世。

會溪黃元亮文士也。年五旬。頸生氣瘤。候其六脈衝旺。榮衛俱足。精神元氣亦厚。止肝部沉滯。氣結成瘤。錢告之曰。公無病人也。氣瘤結于頸下。不過不美觀耳。然無大害。書云。凡粉瘤痰瘤。蠱瘤。石瘤。腿瘤。虱瘤。發疽瘤。可治。凡氣瘤。筋瘤。肉瘤。肩瘤。癭瘤。血瘤。助瘤。乳瘤。肘臂瘤。不可治。治之破膜。泄氣不救。宜絕此念。勿信庸愚。以輕性命也。黃拜謝而去。

結核

王洪緒治一婦。項上痰核三處。年久生管。以拔管藥插入日易。半月愈其二。惟一管漸淺。不意其夫違歸。兩日管深如前。後其母接女歸。治之即愈。

一壯年臂上有二管。王問其有暗疾否。曰素患夢遺。乃以六味去澤瀉。增綫膠龍骨。芡實蓮鬚。為丸。鹿含草煎湯。早晚送下三錢。服半料。愈後即用拔管藥。仍服前丸。二管皆愈。

一人耳下患惡核。被醫穿生管。以陽和湯。小金丹輪服。未潰者全消。復求消管。王曰。消管甚易。管消即斂。倘將斂時。一經走洩。管即復生矣。喜其謹疾。遂愈。消管方。皂角刺尖五錢。柘樹膜五錢。紅腹金錢幣三錢。榆樹皮一錢。真蟾酥一錢。研極細。每遇漏管。先以豬鬃探通。料其淺深。然後以棉紙捲藥。為條塞入。日易日塞。至愈乃止。

薛立齋治一婦人。經事不調。肢體結核。如榛如豆。不計其數。隱于肉裏。其色不變。三年餘矣。大按則痛。或投以降火消毒。乃不按自痛。發熱作渴。日晡益甚。經水過期。左關脈數。此肝火血燥也。用清肝益榮湯六十餘劑。諸證已愈。惟項核未消。又以當歸龍薈丸散服。及八珍湯。加柴胡山梔。三十餘劑而痊。

一婦人久鬱怒。胸脇內股外。臑各結核。寒熱往來。經候不調。胸膈不利。飲食少思。大便不調。左關弦洪。右寸弦數。右關弦緊。曰左關弦洪。肝經熱也。左寸弦數。木生火也。右關弦緊。肝克脾也。右寸弦浮。木侮金也。



北京中医药大学图书馆藏